

Dumonda Tomaschett (Cuira) concernent ina lingua facila e senza barrieras sin la pagina d'internet dal chantun Grischun sco er en tut las autras furmas medialas

La Constituziun federala prescriba che nagin na dastgia vegnir discriminà en cas da cundecisiuns e d'elecziuns. Perquai stuess vegnir prendida per mauns uschè svelto sco pussaivel in'elavuraziun ed ina realisaziun senza barrieras da las preschentaziuns medialas da las infurmaziuns politicas en il chantun Grischun.

I n'è betg mo en il senn da las personas cun impediments da proseguir e da realisar quai vinavant. Mabain er per bleras burgaisas e blers burgais che n'èn betg uschè famigliars cun la politica, fiss quai in levgiament enorm e dess quai in impuls da leger pli savens ils documents davart las fatschentas politicas dal chantun Grischun. La gruppa da questas personas e multifara: personas che han difficultads da leger e d'emprender, personas che han pouca furmaziun, senioras e seniors e.u.v. Sch'ellas fissan en cas da chapir pli facilmain, fissi fitg bain pussaivel che nosssa participaziun a las elecziuns s'augmentass. Bleras abitantas e blers abitants na san per part betg, co ch'els duain «ir enturn» cun quai e chapir l'entira chaussa. Ina lingua simpla ed infurmaziuns curtas e cleras als gidan a s'orientar en il mintgadi. La finala èsi in dretg fundamental che mintga persuna arrivia ad infurmaziuns ch'ella po er duvrar e chapir.

Tenor la Convenziun da l'ONU davart ils dretgs dals umans cun impediments (CRPD-ONU) che la Svizra ha ratifitgà l'onn 2014, ston ils stadis contrahents garantir che las personas cun impediments hajan ils medems dretgs da defender lur dretgs politics.

1. Quant lunsch è il chantun cun la realisaziun pratica?
2. Datti gia plans chantunals concrets e termins fixes?
3. Stattan a disposiziun a la Regenza expertas ed experts che san co ch'ins sto realisar ina lingua senza barrieras?

Tavau, ils 21 d'avrigl 2021

Tomaschett (Cuira), Gartmann-Albin, Cramer, Atanes, Baselgia-Brunner, Bondolfi, Brandenburger, Cahenzli-Philipp, Caluori, Caviezel (Cuira), Danuser, Degiacomi, Della Vedova, Favre Accola, Gugelmann, Holzinger-Loretz, Horrer, Märchy-Caduff, Müller (Favugn), Perl, Preisig, Rettich, Rutishauser, Schwärzel, Stiffler, Thomann-Frank, Thür-Suter, Tomaschett-Berther (Trun), Ulber, von Ballmoos, Weber, Widmer (Favugn), Wilhelm, Pajic, Spadarotto, Stieger, van Kleef